

Këyítfii fukaahayfii Saŋ bínnda Wo'eencii légís Këyítfiida

Këyítfii fii fëri en fukaahayfii Saŋ bínnda. Ya bínfa kerceen yaa teeku Gayus. Laakee fiibo' baa Saŋ wosee ga gohcaa kijangat buwaa loo Yéesu Kiristaa. Wayee, ga wa ba le' teeraa Gayus dëkohda, laakka bo' daama yaa teeku Yoteref, ya saŋnga kitook buwaa Saŋ woseeda ga kaanci. Kerceencaa dëli' buwaamada ya kaallaba jaangaa. Iñaama tah Saŋ bínnda Gayus kidaassi ya am bi yégís buwaa Kooh hay daama kijangat Hewhewii winéwí'wiida ya dëli'ba bi jof. Iñaama yëri mandarga kibokohkaa buwaa enu wínoo na Yéesu Kiristaada.

Këyítfii fii Saŋ bínnda tíidoh anee:

1 - Këñdoh (1-4)

2 - Kerceen jom ki'amdoh mooroomci hen (5-12)

3 - Taŋkoh (13-15)

Këñdoh

¹ Bii mi, yaakii ga jaangiida, ee mi bínndaa këyítfii fii, filiiroo Gayus. Mi keeñukinndaa kayoh-kayohda. ² Fiilii, mi yii kím Kooh ya onndaa ki'aaw fikii ga tooh, ee faanfu soos fodii dii helumgaraa en weceŋda. ³ Laakin mbok-kerceencaa haysee duma, ba hayin dii

ee ɓa seedi'in kayohfii fu enukohɗa, an fu yum taabuk kayohfii dijófi' ee fu dɛk ga. En ki'ena, keeñjoo soossa ga seb. ⁴ Mi keloh an oomaaciigoo taabu ga kayohfiina, laakkii iña hínndoo ɗa kisoos ga keeñ.

Kijúbkii Gayus

⁵ Fiilii, fu taam na ngem ga dii fu tookin kison ga mbok-kerceencii, luu enee sah an ɓa bisagac. ⁶ Buwaa fu dímaleeɗa, ɓa seedi'in kijofkiigaraa ga fikii béeb mbok-kerceencii enu diida. Jofin, fu amdohi buwaa manda, bi ɓa mín kidiidoh ɓaawaagaba fodaa daa Kooh waarohkafa. ⁷ En ki'ena, kiyéegaloh teekii Kiristaanii tahɓa kikoluk ee ɓa tookkii kite' dara iña meyoh ga buwii enussii kerceenda. ⁸ Kon ɗu jomin kidímal buwaama, en ɗanaa, ɗu ek yahhuu ga lëgëyaa ɓa en na kitum en kiyéegaloh kayohfiida.

Kibonkaa Yoteref na kijofkaa Dímitiriyus enukoheeda

⁹ Mi bídin mbok-kerceencum enu dumaɗa këyít, wayee Yoteref na kihafci tookkii iña dí wo'ɗa. Ya waa' rek kikuliyuk ga iña en tooh. ¹⁰ Kon, binaa mi hay dumanaa, mi hay kiwo' ga fikii béeb iñcum ya tumiɗa: ya pokɗinndii wo'ee cibóní'. Ee ya eembii ga iñaama: binaa laak mbok-kerceencaa hayu daamanaa, ya saɗɓa ki'ek kaanci. Ee ɓaatta ga, buwaa tookɓa ki'ek ga kaancaagabada, ya hoonohbaka ee ɓa sagaa ya kaalɓa ɓan jaangaa.

¹¹ Fiilii, kaa taabuk yibóní', taabukaa yijófi'. Baa tumi iñaa jofin yuu Kooh, ee baa tumi yibóní' ínohoo dara ga Kooh.

¹² Dímitiriyus nak, béeβ buwii wo' yijófi' gari, ee kayohfii sah ya taabukda seedi'indika. Dí ban, dí seedi'in iñama gari, ee fu ínohin an iñii dí seedi'da kayoh.

Taŋkoh

¹³ Mi yewinin iñcaa mi waa'taa kiwo', wayee mi waa'tiica kibín ga këyít fodii dii. ¹⁴ Mi yaakaarinndaa kihot ga iñaa mañoo, du yuŋ kisaawal du banak. [¹⁵ Kon jam taabat naraa. Béeβ filiimuncii en diidfa bii këñí'taa ga. Fiiliimuncumgarii en dumada, këñiraaba ga, yaa en béeβ ga teekaagari.]

**Hewhewii winéwí'wii Kooh Kifiliimunkii
ki'askii**

**Noon: Hewhewii winéwí'wii Kooh Kifiliimunkii
ki'askii New Testament**

copyright © 2012 Wycliffe Bible Translators, Inc.

Language: (Noon)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 22 Sep 2022 from source
files dated 2 Jun 2022

7c1cfb93-c4c9-5127-ac22-ecb23adca870